



UNIVERSITÄTS-
BIBLIOTHEK
PADERBORN

SANCTI|| IOANNIS|| DAMASCENI OPERA,||

Johannes <Damascenus>

Parisiis, 1577

De furibus. cap. lxxi.

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)

A *Assentationes & blanditias, ac Vulpis Archilochi fraudem & versutiam fugiamus.* Basil.
Nihil enim, his quidem qui recte sentiunt, grauius est, quam ad gloriam & plausum viuere, atque ea spectare, quae vulgo grata sint, nec rectam rationem vitae ducem ac moderatricem sibi constituere.

Effuso ac petulanti risu teneri, intemperantiae signum est. Etenim leni quidem ac blanda rictus diductione animae hilaritatem quoquomodo declarare, minime inhonestum est, quo dumtaxat id aliquis ostendat, quod ait Scriptura, Corde letante virescunt facies. At cachinnari, atque toto corpore subsultare, nec modesti & compositi animi est, nec probi viri, qui que sui compos sit. Confirmat autem id quod dico sapientissimus Solomon his verbis: Stultus in risu exultat vocem suam: Vir autem sapiens vix leniter subridebit.

B *Avēvov dēvovos is est, qui ad cuiuspiam hominis voluntatem, ac studio ipsi placendi, aliquid agit: etiam si aliqui dedecore dignum sit, id quod facit.*

Ne facientium hominum ac scurrarum sermonibus delectemur. Hinc enim vel maxime id eorum animi vigor infringi ac debilitari solet.

Ita ferè natura comparatum est, ut magnis opibus atque potentiis seruilia haec obsequia adiuncta sint. Nam quia huiusmodi homines nulla propria bona habent, ex quibus agnoscantur, ab alienis malis seipsum commendant. Ac propemodum, quemadmodum rubigo, quae in frumento inest, ipsius frumenti corruptela est: eodem modo adulatio amicitiam subiens, ipsi perniciem affert.

*Risum meretur quilibet, sanos apud,
 Ritus, procaxque maxime & meretricius.
 Fletum immodestus haud leuem risus parit.
 Tristem esse praestat, quam solutis moribus.*

*Nā in
 Tetrastr.*

C

Qui hominibus placere studet, merito hoc mercedis loco recipere queat, ut ab ipsis laudetur. At verò à Deo nihil omnino accepturus est.

Dicacium hominum os, ac suave loquendi genus, miseris hominibus, ac mente corruptis, voluptatem ac laudem ad inanem gloriam conciliat.

Facientium hominum, vel ridicularum potius affectionum, imitatores à Republica nostrae arceri sunt, atque ab ea exterminandi moriones ac scurræ. Nullo porro alio nomine appellare quisquam adulatorem queat. Amicitiae enim morbus est adulatio.

Principum res secundas potius, quam principes ipsos colere plerique solent.

Philo.

D *Caue ne eorum studium comprobes, qui te laudibus demulcent, ac decipiunt. Monent Nili enim sapientes, ut adultores odio habeamus, tanquam ingentium nobis detrimentorum authores.*

Vidi prauaricantes, & tabescebam, aiebat beatus Dauid. Quocirca consentaneum est, ut in tristitia potius ac mœrore versareris, ob absurdas cogitationes, quae quidem viperarum progenies sunt, hoc est animae ignaviae atque inertia languentis. Pro eo autem atque tum externos, tum internos oculos, lacrimis cōficere debueras, nunc contra ipse facis, in cachinnos videlicet erumpens, & clamās atque estuans, omnique, ut ita dicā, hora stultitiae & imperitiae lasciuia gaudens. Atque interim eo nomine confidis & acquiescis, quod ad aliquod tempus à cibis abstineas, atque à mulieribus remotus sis. Atqui hoc minime sufficit. Etenim demones hac in re superiores te sunt, ut qui nec unquam omnino cibum capiant, nec dormiant.

Ad salutem nostram sufficiens est à cibis ac mulieribus abstinere.

E

De furibus.

CAP. LXXI.

S *QUIS furatus fuerit bouem aut ouem, & occiderit, vel vendiderit: Exod. 22. quinque boues pro vno restituet. Si autem deprehensus fuerit, duplum rependet.*

Si deprehensus fuerit homo furans fratrem suum de filiis Israël, & vendito eo acceperit pretium: interficietur fur ille. Si deprehensus fuerit fur effodiens domum, & percussus mortuus fuerit, percussor cadis reus non erit.

Infurrexerunt in me fures, quorum domus erant foramina petrarum.

Iob. 19.

R. iij

- Pro. 29. Qui furi impertit, odit animam suam. E
 Zach. 5. Dixit Dominus ad me: Quid tu vides? Et dixi: Video falcem volantem. Longitudo eius viginti cubitorum, & latitudo eius decem cubitorum. Et dixit ad me: Hæc est maledictio, quæ egreditur super faciem furis, & delet domum ipsius, & conficiet ipsum: & omnis fur usque ad mortem punietur.
 Eccli. 36. Quis fidem habebit expedito latroni exilienti de ciuitate in ciuitatem?
 Ephes. 4. Qui furabatur, iam non furetur: magis autem laboret, operans manibus suis bonum, vt habeat unde tribuat necessitatem habenti.
 Basil. *Graues & acerbæ noctes sunt in sceleribus pernoctantium. Nam & metus ne deprehendantur, & libidinis æstus, omnem ab ipsis quietem propellit.* G

De pecoribus, & eorum cura. CAP. LXXII.

- Leuit. 17. **N**IMA carnis in sanguine ipsius est.
 Pro. 12. Iustus miseratur animas iumentorum suorum.
 Eccli. 7. Pecora tibi sunt? Attende illis: & si sunt vtilia, perseuerent apud te.

De iactatione & elatione: & quod nulla in re huius vitæ gloriari atque extolli oporteat. CAP. LXXIII. H

1. Reg. 2. **N**OLITE multiplicare loqui sublimia gloriantes.
 Hier. 9. Non gloriatur sapiens in sapientia sua.
 Iob. 11. Ne dixeris, Mundus sum operibus, & irreprehensibilis in conspectu eius.
 Eccli. 32. Noli extolli in sapientia tua.
 Pro. 27. Ne glories in crastinum, ignorans quid superuentura pariat dies.
 Eccli. 11. In vestitu ne glories vnquam, nec in die honoris tui extollaris. Ne dicas, In multitudine munerum meorum respiciet Deus, & offerente me Deo Altissimo munera mea suscipiet. I
 2. Cor. 10. Qui gloriatur, in Domino gloriatur. Non enim qui seipsum commendat, ille probatus est: sed quem Deus commendat.
 Iac. 1. Gloriatur frater humilis in exaltatione sua: diues autem in humilitate sua.

Magno quidem animo sum in Deo: at meipsum tamen metior: ne in gloriacione peceam. Nam & Adamum quondam generis nostri authorem hostis, cum ipsum adduxisset, vt diuinam æqualitatem sibi animi errore fingeret, è paradiso expulit, atque usque ad inferni fundum deturbauit.

De corporis pulchritudine & elegantia. CAP. LXXIIII. K

1. Reg. 16. **D**AVID autem erat pulcher aspectu, & decora facie.
 2. Reg. 14. Porro sicut Absalon vir non erat pulcher in Israël, & decorus nimis: à vestigio pedis usque ad verticem non erat in eo vlla macula.
 Pro. 1. Circulus aureus in naribus suis, mulier pulchra & fatua.
 Eccli. 11. Non laudes virum in specie sua. Lucerna splendens super candelabrum sanctum species faciei super ætatem stabilem. Species mulieris exhilarat faciem viri sui.
 Basil. *Qui hodie corpore virenti est, ac luxu obesus, atque ob ætatis vigorem affusam coloris elegantiam habet, nitidaque cute est, ac firmis viribus, idem crastino die miserandus est,* nisi-